

宣明論方




漢書門類		一	二	三	四	五	六	七
函架冊		九	六	七	二	七	六	七
冊架冊		七	六	五	二	七	六	七

十至十五 終

內閣文庫		漢書
函架	三	二九六七
冊架	八	七六

內閣文庫	
番號	漢 12967
冊數	75 (30)
函號	301 59

三十一



黃帝素問宣明論方卷之十

河間劉守真撰集

新安吳勉學校

燥門

消渴論

燥乾者今肺之本燥令受熱化以成燥澁也兼火熱致金衰耗液而損血鬱而成燥者由風能勝濕熱能耗液故經云風熱火同陽也寒濕燥同陰也又燥濕小異也金燥雖屬秋陰而其性異於寒濕而反同於

宣明論方

卷十

風熱火也又加大便乾澁乃大腸受熱化成燥澁經云諸澁枯渴又如癱瘓中風皆因火熱耗損血液玄腑閉塞不能浸潤金受火鬱不能發聲經云肺主聲肢痛痠戾者風熱濕相致而遂以偏枯語音澁手足不隨也然中寒吐瀉亡液而成燥亦以鮮矣亦有寒濕相鬱榮衛不能開發貫注多成偏枯經曰諸澁枯涸乾勁皴揭屬於燥也○又如胃膈瘴熱煩滿饑不欲食或瘴成消中善食而瘦或燥熱鬱甚而成消渴多飲而數小便或因熱病或恣酒飲誤服熱藥以致脾胃真陰陽損虛肝心衰弱也狂陽心火燥其三焦腸胃燥澁怫鬱而水液不能宣行也則

周身不得潤澤故瘦悴黃黑也而燥熱消渴然雖多飲亦其水液不能浸潤於腸胃之外湯不能止而便注為小便多出俗未明妄為下焦虛冷誤人多矣○又如周身熱燥鬱故變為雀目或內障癰疽瘡瘍上為咳嗽喘下為痔痢或停積而濕熱內甚不能傳化者變為水腫濕脹也世傳消渴病及消瘦弱或小便有脂液者為消腎也此為三消病也消渴消中消腎經意但皆熱之所致也

人參白朮湯 治胃膈瘴熱煩滿饑不欲食瘴成爲消中善食而瘦燥熱鬱甚而成消渴多飲而數小

便兼療一切陽實陰虛風熱燥鬱頭目昏眩風中
偏枯酒過積毒一切腸胃燥澀倦悶壅塞瘡疥痿
痺并傷寒雜病產後煩渴氣液不得宣通

人參 白朮 當歸 芍藥 大黃

山梔子 荆芥穗 薄荷 桔梗 知母

澤瀉 各半兩 茯苓 去皮 連翹 瓜蒌根 乾葛 各一兩

甘草 二兩 藿香葉 青木香 官桂 各一分

石膏 四兩 寒水石 二兩 滑石 半斤

右為細末每服抄五錢水一茶盞入盆硝半兩
生薑二片煎至半盞絞汁入蜜少許溫服漸加

至十餘錢得臟腑流利取効如常服以意加減

兼服 消痞丸散以散腸胃結滯濕熱
內甚自利者去了大黃芒硝

絳雪散 治消渴飲水無度小便數者大有神効

黃芩 黃丹 漢防已 栝蒌實 各等分

右為細末每服二錢湯漿水調下臨時併進

三二服即止

人參散 治消腎善飲而食後數小便溺者

人參 三錢 白朮 澤瀉 瓜蒌 桔梗

梔子 連翹 各半兩 葛根 黃芩 大黃

薄荷 白茯苓 各一兩 甘草 一兩 石膏 二兩

滑石

寒水石

各三兩

右為末入宿砂仁三錢每服五錢水一盞煎至七分入蜜少許再煎三二沸去滓食前食後服

消痞丸

大黃甘草飲子 治男子婦人一切消渴不能止者

大豆五升

先煮三沸出淘苦水再煮

大黃

一兩半

甘草

大麓者四兩長四指打碎

右三味用井水一桶將前藥同煮三五時如稠糝水少更添豆軟盛於盆中故冷令病人食豆渴令愈無時候食盡如燥渴止罷不止再煮

前藥不三次病悉愈

痢門

總論

夫痢者五臟瘡毒觸而不散或感冷物或冒寒暑失饑不能開發又傷冷熱等食更或服暖藥過極鬱化成利自古人三口白利為寒赤利乃熱其三口悞也今人瘡毒初發刺開乃血多日成膿何為先熱而後寒也

叔和云濕多成五泄腸走若雷奔愚醫不悟三口黃者乃熱青利是寒太素曰五泄有溇泄鶩泄飧泄濡

泄滑泄也此乃五泄五泄者青是感肝木之象其色青赤者受心火之氣其色赤白者得西方金肺之氣色白黃者脾土之色蒼者土氣之下與水隨之其色蒼也三口蒼曰寒黃赤熱其三口非也若下利熱極頻并窘痛或久不愈諸藥不能止者須下之以開除濕熱痞閉積滯而使氣液宣行者宜以逐之兼宣利積熱也

益元散 治身熱吐痢泄瀉腸癖下痢赤白瘡閉淋

痛利小便偏主石淋 乃服金石熱藥多待為砂石從小便淋出者也 腸胃

中積聚寒熱宣積氣通九竅六府生津液去留結

消畜水止渴寬中除煩熱心躁腹脹痛悶補益五

藏大養脾腎之氣 此腎水之藏非為主之府也 理內傷陰痿安

魂定魄補五勞七傷一切虛損主癰瘰驚悸 其季切驚

動健忘止煩滿短氣藏傷咳嗽飲食不下肌肉疼

痛并口瘡牙齒疳蝕明耳目壯筋骨通經脉和血

氣消水穀保元真解百藥酒食邪毒耐勞役饑渴

宣熱辟中外諸邪所傷久服強志輕身注顏延壽

及解中暑傷寒疫癘饑飽勞損憂愁思慮恚怒驚

恐傳染并汗後遺熱勞復諸疾并解兩感傷寒能

令遍身結滯宣通氣和而愈及婦人下乳催生產

後損益血衰陰虛熱甚一切熱證兼吹妳乳癰此神驗之仙藥也惟孕婦不宜服滑胎也

桂府膩白滑石 六兩 甘草 一兩

右為末每服三錢許溫水調下無密亦得日三服

欲冷飲者新汲水調下解利傷寒發汗煎葱白豆豉

湯調下四錢每服水一盞葱白五十豆豉併三

服効為度此藥是寒涼解散鬱熱若病甚不解

多服此藥無害但有益而無損俗惡性寒兼易

得之賤物而不明素問造化之理故不取本草

神驗之言而多不用焉若以隨證驗之此凡人

之仙藥也不可闕之傷寒當汗而不可下當

藥則汗出自愈裏熱便得宣通而愈或半在裏

半在表可和解而不可發汗吐下者若服上導

多愈亦獲小効是解散涼膈散和解為佳或人

排鬱邪熱甚者小加減加蒼朮末二分同葱豉煎湯調服滑石麻黃桂

枝受發汗甘草一兩蒼朮二兩同為末每服四葱

白豆豉五十枚同煎至六分去滓逼毒散非

婦可太白散加麻黃神白散或過

與麻黃蒼朮容等分濟眾云青龍散或青龍散

滑石與蒼朮倍最為發汗之妙藥也者即此

服之則轉加大通毒散或解利兩感涼膈散下

益元散

四錢或下乳用猪肉麩羹或酒之類調下四錢不計時候日三服宜食肉麩羹

氣湯

一服調下五錢須臾更頻用溫油漿調服前後俱下胎可活產母也凡難產或死胎

產後

產後不得自然開也其藥力至則熱結頭開而產矣慎不可溫補而反生燥熱也俗未知產後

虛邪

熱大甚而為諸證由不明素問造化故不識證候陰陽反以妄為產後諸虛百損俾為虛

冷而無熱

也誤以熱藥溫補或見渴甚者不令飲水本為善心為害多矣豈知治病之道俱以

臨時審其藏府

六氣虛實明其標本如法治之而已矣此藥之常用雖為効至大俗以病異

藥同將為妄

行反招侮慢今以黃丹是以桃仁色紅玉散加薄荷葉

青黛

碧色各粉碧玉散加薄荷葉末一分雞蘇散

碧色各粉

碧玉散加薄荷葉末一分雞蘇散

碧色各粉

碧玉散加薄荷葉末一分雞蘇散

主療並同但以回避愚俗之妄侮慢耳

玄青丸

治下痢勢惡頻并窘痛或久不愈諸藥不能止須可下之以開除濕熱痞悶積滯而使氣液

宣行者宜以逐之兼宜利積熱酒食積黃瘦中滿

水腫腹脹兼療小兒驚疳積熱乳癖諸證唯泄瀉

者勿服

黃連

黃蘗

大黃

甘遂

芫花

大戟

牽牛

已上同細末

輕粉

青黛

各半

末二兩

錢二

右為末勻水丸小豆大初服十九每服加十九

宣明論方 卷十 七

空腹日午臨卧三服以快利為度後常服十五
二十九數日後得食久病未痊除者再加取利
利後却常服以意消息病去為度後隨證止之
小兒丸如黍米或麻子大退驚疰熱積不下者
須常服十九

阿膠梅連丸 治下痢無問久新赤白青黑疼痛諸
證

金井阿膠

淨草灰炒透明白別
研不細者再炒研細

烏梅肉

去核炒

黃蘗

剉炒

黃連

當歸

焙

赤芍藥

乾薑

炮

赤茯苓

半兩各
等分

右為末入阿膠研勻水丸桐子大溫米飲下十
丸食前暮夜五六服小兒丸如菉豆忌油膩脂
肥諸物也

牛黃神金丸 治大人小兒嘔吐瀉痢無問久新赤
白諸色或渴或不渴小便澀或不澀并小兒驚瘖
積熱疰癍堅積腹滿硬痛作發往來亦能寬膈消
食

輕粉

粉霜

硃砂

以上
研

雄黃

硃砂

信砒

芭豆

去皮各一錢

黃丹

蠟 三錢

右先研粉霜次旋入硃砂研細下雄黃朱砂信

砒再研下丹粉研勻別研芭豆爛為油與前藥
 研勻近火上炙控熱別研蠟軟入藥勻搓作劑
 旋丸小豆大新水下一丸小兒黍米麻子大或
 止吐瀉痢疾調甘露散是桂苓甘露飲或益元散亦得
 芍藥麩皮丸 治一切濕熱惡痢頻年窘痛無問膿
 血並宜服之

芍藥

黃蘗

各一兩

當歸

黃連

各半兩

右為末水丸如小豆大溫水下三四十九丸無時
 兼夜五六服忌油膩脂肥發熱等物
 二勝丸 治泄痢虛損不問久新者

鹽豉

紫蒜

去皮各等分

右同杵為膏丸如桐子大每服三丸至五丸米
 飲湯下如未愈及赤白痢腹滿脇痛更與杏仁
 丸

杏仁丸 治一切赤白瀉痢腹裏急後重者

杏仁

四十箇

芭豆

四十九箇去皮

右以藥同燒存性研細如泥用蠟鎔和旋丸如
 桐子大每服一二丸煎大黃湯間日一服
 白朮聖散子 治一切瀉痢久不瘥并婦人產後痢
 亦治

御米殼

二兩
蜜炒

當歸

肉豆蔻

縮砂仁

石榴皮

訶子

乾薑

陳皮

去白

白朮

甘草

芍藥

各等分

右為細末每服二錢水一大盞入乳香同煎和

滓服

勝金膏

治一切泄瀉痢不已胃脘浮洪者及多日

不已者微小者立止

芭豆皮

楮實葉

同燒存性

右為末鎔蠟丸如菉豆大每服五丸煎甘草湯

下

大聖金真散

治一切寒熱赤白瘧泄等痢疾

御米殼

半斤
炒

甘草

一兩
炙

乾薑

半兩
炮

當歸

一兩

醋石榴皮

一兩
炒

陳皮

去白

白茯苓

去皮
一兩

右為末每服二錢水一盞小兒半盞乳香同煎

至七分食前忌油膩生冷毒物等

車前子散

一名

斷痢散

治一切痢不止

車前子

不以多
少炒香

右為末每服二錢米飲調下食前空心

象骨散

治脾胃虛弱心腹脹滿水穀不消噎氣吞

酸食輒嘔吐霍亂泄瀉膿血四肢沉重脘腹疼痛

裏急夜起頻併不思飲食皆可治之

象骨

四兩炒

訶子

取肉二兩

肉豆蔻

一兩

枳殼

一兩

乾薑

半兩

右為末每服三錢水一盞半煎至八分和滓熟

服食前日三服

海蛤玉粉散 治血痢解藏中積毒熱

海蛤

不以多少

右為末每服二錢入蜜少許冷水調下不計時

候

黃帝素問宣明論方卷之十

黃帝素問宣明論方卷之十

河間 劉守真 撰集

新安 吳勉學 校

婦人門

總論

素問曰目得血而能視耳得血而能聽指得血而能
攝掌得血而能握足得血而能步藏得血而能液腑
得血而能氣然血所通流則氣亦然也氣血宣行其
中神自清利而應機能用矣故

素問氣血人之神也不可不謹調護然婦人以血藏
爲基本也夫婦人之病手太陽足少陰小腸心之經
絡爲裏表起自任衝之脉於經脉之下以上毛際循
腹裏關元上至咽喉順循面目過帶脉貫臍而止以
婦人月水一月一來如期謂之月信其不來則風熱
傷於經血故血在內不通或內受邪熱脾胃虛損不
能飲食食既不克榮衛凝澁肌膚黃燥面不光澤或
大腸虛變爲下痢流入關元致絕子嗣爲子藏冷虛
勞損而病帶下起於胞內○夫帶下之造化但分經
絡標本殊異爲病之本氣也其病所發正在過帶脉

之分而淋瀝以下故曰帶下也赤白之說者無定也
法曰頭目昏眩口苦舌乾咽喉不利小便赤色大小
便秘澀滯脉實而數者皆熱證也凡白帶下者亦多
有之爲病寒豈能然素問亢則害承廼制謂亢過極
而反兼已勝之化制其甚也則如火煉金熱極則反
化爲水及六月熱極則物反出液而濕潤材木流津
故肝熱則出泣心熱則出汗脾熱則出涎肺熱則出
涕腎熱甚則唾○大凡俗論已煎熱湯煮極則沸溢
及熱氣重蒸於物而生津液也故下部任脉濕熱甚
者津液涌而溢已爲帶下見俗醫白帶下者但依方

論而用辛熱之藥雖有誤中致令鬱結熱聚不能宣
通舊病轉加世傳誤之久矣

人參白朮散 治徧身燥濕相搏玄府緻密遂令公

悸發渴飲食減少不為肌膚

人參 三錢 白朮 七錢 薄荷 半兩 縮砂仁 三錢 生地黃

茯苓 去皮 甘草 各半兩 黃芩 一錢 滑石 三兩 藿香 三錢

石膏 一兩

右為末每服三錢水一盞煎至六分去滓溫服

食前日進二三服

白朮湯 治妊娠血液虛衰痿弱難以運動氣滯痺

麻榮術不能通宣常服養液潤燥開結滯令血

昌盛

白朮 三兩 水石 三兩 當歸 三兩 黃芩 三兩 芍藥

人參 石膏 乾薑 防風 砂仁

藿香 甘草 茯苓 木香 二分

崔宣武方 用白朮一兩

右為末每服三錢水一盞生薑三片同煎至六

分去滓溫服食前日三服 頰頰不

二氣湯 治月水不調斷絕不產面黃肌瘦

美食有燥熱以柴胡飲子相參服之

大黃 四兩別為末醋一升慢火熬成膏子 當歸 二兩 白芍藥 二兩

右為末以膏子和丸如桐子大每服二十九粒

醋湯下食前日進三服 如月水不通加入 乾漆 三錢炒出大煙

沒藥 半兩 硃砂 三錢研 官桂 二錢 斑猫 三錢去翅足炒熟用

本草云此用熬不可生用則吐瀉

當歸龍骨丸 治月事失常經水過多及帶下淋瀝

無問久新赤白諸證并產後惡物不止或孕婦惡

露胎痛動不安及大小兒痢瀉並宜服之

當歸 芍藥 黃連 桑槐子 艾葉 炒各半兩

龍骨 黃蘗 各兩 茯苓 半兩 木香 一分

右末滴水為丸如小豆大溫米飲下三四十九

食前日三四服

當歸人參散 治產後虛損瘦弱難以運動疼痛胸

滿不思飲食

當歸 白朮 黃芩 芍藥 大黃

茯苓 去皮 陳皮 各半兩 人參 黃耆 剉 川芎

厚朴 云皮 官桂 各三錢 甘草 一兩 枳殼 四錢共

右為末每服三錢水一盞生薑三片煎至六分

去滓不計時候溫服如大便閉以此散下和中

丸

增損四物湯 治月經不調心腹疼痛補血臟溫經

注類

川芎

當歸

芍藥

熟地黃

白朮

牡丹皮

各半兩

地骨皮

一兩

右為末每服五錢水一盞煎至六分去滓溫服

食前

當歸川芎散 治風壅頭口昏眩痛悶筋脉拘倦肢

體麻痺保護胎氣調和榮衛

當歸

川芎

各半兩

甘草

二兩

黃芩

四兩

薄荷

縮砂仁

一分

右為末溫水調下一錢漸加至二錢食後日進

三服

辰砂大紅丸

治產後寒熱暈悶血氣塊硬疼痛不

止

朱砂

藥一兩一半入衣

附子

炮沒藥

半兩

海馬

半錢

乳香

茯苓

肉桂

玄胡

薑黃

礪砂

各半兩

斑猫

一分

生地黃

一兩

右為末酒煮麩糊為丸如酸棗大每服一九煎

當歸酒下放溫經水不行煎紅花酒下

三聖散 治產後下血痢不止

烏魚骨炒燒綿灰 血餘灰汗脂者各等分

右為細末每服煎石榴皮湯調下熱服一錢

沒藥丹 治產後惡血不下月候不行血刺腰腹急

痛或一切腸垢沉積堅滿痞痛作發往來或燥熱

煩渴喘急悶亂肢體疼痛大小人心腹暴痛孕婦

自利惡物過多不宜服燥熱極甚血液衰竭不可

強行宜調氣養血細詳證用

沒藥 一錢 當歸 大黃 一兩 牽牛 二兩 輕粉 一錢

官桂 一分已上 硃砂 一錢同研末

右研勻醋麩糊為丸如小豆六每服五丸

丸溫水下以快利取積病下為度雖利後病未

痊者後再加取利止心腹急痛煎乳香下未止

取大便利

黃藥子散 治月事不止煩渴悶亂心腹急痛肢體

困倦不美飲食

黃藥子 當歸 芍藥 生地黃 黃芩

人參 白朮 知母 石膏各一兩 川芎

桔梗各一分 甘草一兩 紫苑 槐花子 柴胡各一分

右為麩末抄三錢水一盞煎至七分濾汁溫服

食前但一服

大延胡索散 治婦人經病并產後腹痛或腹滿喘悶或癥瘕癖塊及一切心腹暴痛

延胡索 當歸 赤芍藥 京三稜 川練子

蓬萊茂 官桂 厚朴 木香 川芎各二分

桔梗 黃芩 大黃各半兩 甘草 一兩 檳榔錢一

右為末每服三錢水一盞煎至六分去滓熱服

食前日三服惡物過多去大黃官桂加入黃藥

子染槐子龍骨各一兩如前法或平人心胃急

痛如本方煎服得利丸煎

枳實檳榔丸 治安養胎氣調和經候癥瘕痞塊有

似妊孕可以久服血氣通和兼寬膈美食

枳實 檳榔 黃連 黃藥 黃芩

當歸 阿膠灰炒細研 木香各半兩

右為末水和丸如小豆大溫米飲下三十丸不

計時候日進三服

軟金花丸 治心胸腰腹急痛或淋病并產前後經

病刺痛乾嘔氣勞往來寒熱四肢困倦夜多盜汗

者兼治血積食積

當歸半兩焙 乾漆二錢生 輕粉 斑猫生全用為末

硃砂 粉霜各一錢 芭豆二錢去油

右為末同研細棗肉為膏旋丸如棗豆大每服一丸新水下病甚者加服看虛實

大紅花丸 治婦人血積聚癥瘕經絡注滯

川大黃 紅花 各二兩 蠱蟲 十箇去翅足

右取大黃七錢醋熬成膏和藥丸如桐子大每服五七丸溫酒下食後日三服

黃芩湯 治婦人孕胎不安

白朮 黃芩 各等分

右為末每服三錢水二盞當歸一根同煎至一盞稍溫服

海蛤丸 治婦人小便濁眩赤白帶下五淋臍腹疼

痛寒熱口乾舌澁不思飲食

海蛤 半夏 芫花 醋炒 紅娘子 去翅足

訶子 炒 玄胡索 川練子 麩裏煨去皮 茴香 炒各一兩

乳香 三錢 硃砂 半兩 硃砂 半兩 沒藥 各一兩研

當歸 半兩

右為末醋煮麩糊為丸如小豆大每服五丸至十丸醋湯下量人病虛實加減

烏金散 治婦人諸疾寒熱頭痛一切等疾

烏金子 肉桂 蒲黃 當歸 蠱蟲

血餘灰 水蛭 鯉魚灰 木香 青皮

皂角 大者炙 各半兩 芍藥 半兩 芫花 三兩醋浸

芭豆 一錢 出油 朱砂 少許 棕皮灰 紅花 兩 川烏頭 兩半

右為末每服半錢加至一錢煎生薑湯調下空

心食前忌油膩物

伏龍肝散 治婦人血崩不止或結作片者

芎藭 兩 生地黃 一分 阿膠 八錢 當歸 兩 續斷 一分

地榆 刺薊根 兩 伏龍肝 七錢 青竹茹 八錢

右為末每服三錢水一盞半煎至一盞溫服日

五服不計時候後服補藥

阿膠丸

阿膠 鱉甲 六分 續斷 五分 龍骨 半兩 芎藭

地膽 四分 鹿茸 五分 烏魚骨 八錢 丹參 六錢 龜甲 一錢

右為末醋麩糊為丸如桐子大每服三十九艾

湯下日進三四服

麝香杏仁散 治婦人陰瘡

麝香 少許 杏仁 不以多少 燒存性

右為細末如瘡口深用小布袋子二箇盛藥滿

繫口臨上藥炙熱安在陰內立愈

硃砂斑猫丸 治婦人產後喫硬食變作血氣食塊

無問久新

七角末

錢二 芭豆

四箇 去油

朱砂

一錢

硃砂

一皂子 大塊

乾蝸

全一箇

斑猫

十箇

紅娘子

五箇

水蛭

三箇

右為細末蜜和丸分作十五丸每服一丸至二
丸三丸温酒下初更喫平明取下血化水十年
之病皆治之或大便或小便不多出也

黃帝素問宣明論方卷之十二

河間

劉守真

撰集

新安

吳勉學

校

補養門

補養寒論

素問云諸寒收引皆屬於腎腎者少陰也少陰者至
陰也至者為極也少陰者冬脉所旺居北而屬水為
寒為歸藏為周密寒中收引拘縮寒之用也其病上
下所生水澄徹冷清者不濁其氣寒冷水穀不消化

吐利清冷為病則如天氣寒而水自清也

素問云太陽受寒血凝為痲太陰受寒氣聚為疝但
脈急而寒之象也急主於痛故緊急也又內經云數
則為熱遲則為寒諸陽為熱諸陰為寒脈當遲緩寒
毒內鬱洪數為熱所養心之脈也寒氣生清水清就
於濕故以下利清白此乃腸胃寒化物失常熱則壅
澁不通寒勝則火衰火衰金旺吐利腥穢腥者金肺
之屬也熱則喜酸寒則水腥只如四肢逆冷堅痞腹
滿屈伸不便禁固戰慄謂陰水主之舒倦不便診其
脈沉伏而遲病之證也若身涼不渴而寒蹇足而卧

惡聞人聲不欲言皆陰證也陰陽停則和偏則病如
陽氣暴絕陰氣獨勝則為寒證陰氣暴絕陽氣獨勝
則為熱證

經曰陽盛陰虛汗之而死陰勝陽虛下之而死若陽
實外熱陰虛內寒陰實內熱陽虛外寒陽實伐其陽
當涼膈散承氣湯主之陰實伐其陰當白朮散四逆
湯主之

論曰

大凡治病必求標本受先者為本次者為標此為兼
證故知逆與從正行無問知標本者萬舉萬當不知

宣明論卷之十二
標本者是謂妄行也本病相傳先以治其急六氣爲本三陰三陽爲標故病氣爲本受病經絡藏府謂之標也

補養類

防風當歸飲子 治脾腎真陰損虛肝心風熱鬱甚陽勝陰衰邪氣上逆上實下虛怯弱不耐或表熱而身熱惡寒或裏熱而躁熱煩渴或邪熱半在表半在裏進退出入不已而爲寒熱往來或表多則惡寒裏多則發熱或表之陽分陽和正氣與邪相助并甚於裏畜熱極深而外無湯氣裏熱極甚陽

極似陰而寒戰腹滿煩渴者或裏之陰分正氣反助邪氣并甚於表則躁熱煩渴而汗出也或邪熱壅塞者或煩熱痛者或熱結極甚陽氣不通而反覺冷痛或中外熱鬱煩躁甚喜良畏熱者或熱極闕寒不得宣通陽極似陰中外喜熱而反畏寒者或躁熱煩渴者或濕熱極甚而腹滿不渴者或一切風熱壅滯頭目昏眩暗風眼黑偏正頭疼口乾鼻塞耳鳴及聾咽嗑不利或目赤腫痛口瘡舌痺或上氣痰嗽心脇鬱痞腸胃燥澀小便溺淋闕或是皮膚瘙痒手足麻痺又或筋脉拘急肢體倦怠

或渾身肌肉跳動心忪驚悸或口眼喎斜語言蹇澁或狂妄昏惑健忘失志及或腸胃燥熱怫鬱而飢不欲食或濕熱內餘而消穀善飢然能食而反瘦弱或誤服燥熱毒藥及妄食熱物過多而耗損脾腎則風熱鬱甚而多有如此不必全見也無問自病及中燥熱毒藥所使者並宜宣通氣血調順飲食又服之舊病除去新病不生設虛人常服補益功驗自可知矣

當歸 大黃 柴胡 人參 黃芩

甘草 炙 芍藥 各一兩 滑石 六兩

右停每服三錢至五錢水一大盞生薑三片

煎至七分去渣溫服 補校 此方未為至當田恐當時傳寫之誤

雙芝丸 治補精氣填骨髓壯筋骨助五臟調六腑

又服注顏不老

熟乾地黃 焙取末 石斛 去根酒炙 五味子 焙

黃耆 酒浸 肉蓯蓉 酒浸 牛膝 酒浸 杜仲 蜜水浸

兔絲子 酒浸三日炒 麋鹿角霜 半斤

沉香 三錢研 麝香 二錢研 人參 白茯苓 去皮

覆盆子 乾山藥 木瓜 天麻 酒浸

秦芫 已上各一兩 慧苡仁 二兩炒

右為末煉蜜為丸如桐子大每服二十九至三

四十九溫酒下鹽湯米飲亦可凡年五十歲已上加入黑

附子以青鹽湯煎泡鹿角一大對去頂三指硫黃半斤以上用

此油釜中以水同煮令微沸勿太急甚水耗只

旋添溫水須用水以備添也煉令角膠汁出盡

其角如霜以手捻如膩粉乃盛之取用勿令穢

汚也

內固丹 治諸補養腎氣調和脾臟壽高者常服筋

骨勁健渾如壯士

肉苁蓉酒浸茴香炒一兩破故紙 胡蘆芭炒

芭戟去心黑附子炮川練子 胡桃仁各四兩

右為末研桃仁為膏餘藥末和勻酒麩糊為丸

如桐子大每服十丸至三十丸溫酒鹽湯下食

前虛者加至五七十丸此藥明目補腎烏鬚進

美食空心

大補丸 治男子脾腎不足不問久新者

陳菲子 陳蘿蔔子已上炒麩仁去皮各

川山甲七片用酒炙麝香少許

右為細末用蜜和丸如櫻桃大每服一丸溫酒

送下食前空心

蛤蚧散 治脾胃氣攻心刺痛者

蛤蚧酒一對 乳香 木香 白茯苓 丁香

茴香各一錢 川山甲二錢

右為細末每服一錢好溫酒調下空心食前

金鎖丹 治男子本藏虛冷夜夢鬼交者

龍骨水飛 兔絲子一兩 破故紙 韭子 澤瀉

牡蠣各半兩 麝香少許

右為末酒麪糊為丸如桐子大每服三十九溫

酒下空心食前日三服

調中丸 治脾胃虛止嘔吐寬利胸膈

青皮 紅皮各一兩 牽牛二兩

右為細末滴水和丸如桐子大每服三二十九

溫水下空心食前

水中金丹 治元藏氣虛不足夢寐陰人走失精氣

陽起石研 木香 乳香研 青鹽各一分

茴香炒 骨碎補炒 杜仲各半兩去皮

白龍骨一兩緊者槌碎絹袋盛 黃戍腎一對酒

熟切作片 焙入白茯苓一兩與

右為細末酒麪糊和丸如皂子大每服二九溫

酒下空心忌房室

和氣地黃湯 治沉積氣結不散調養榮衛補順陰

陽常服以代湯茶酒果

木香 一字 揀桂 去皮 茯苓 去皮 白芥子 各一錢 炒香

白朮 乾山藥 川芎 當歸 各一分

桂花 縮砂仁 各半錢 甘草 半兩

右為細末入麝香少許研勻用數重油紙或甕

器內密封起每用蜜二斤餵飽一斤溫好甜水

五升化勻開抄前藥 杏仁十枚去皮尖洗淨

炒香樵槌碎濕地黃根許切長寸約取汁半

溫服

白朮調中湯 治中寒痞悶急痛寒濕相搏吐瀉腹

痛 上不所出水液澄徹清冷穀不化小便清白不

是也此因飲食冷物過多陰勝陽衰而為中寒也

或冷熱相擊而反陽氣怫鬱不能宣散怫鬱內作

以成熱證皆不可亦言為冷當以脈證別之夫濕

熱上瀉常元陽脈若亡液氣虛亦能反見諸陰脈

中湯以標本不可治或熱證誤服此白朮調 無

問寒熱久新並宜服之 瀉者以畏乾薑官桂不服

白朮 茯苓 去皮 紅皮 去白 澤瀉 各半兩

乾薑 炮 官桂 去皮 縮砂仁 藿香 各一分

甘草 一兩 右為末白湯化密少許調下二錢每日三服煉

密和就每兩作十九名白朮調中丸小兒一服
分三服

人參白朮散 此方證同調中湯治法

人參 白朮 茯苓 甘草 橘皮

葛根 澤瀉 滑石 藿香各半兩

右爲末每服三錢水一盞煎至六分溫服妊婦
加蒼朮三五片熱服

白朮散 治傷寒下後餘熱以藥下之大過胃中虛

熱飲水無力也當生胃中津液多服此藥

人參 白朮 木香 白茯苓

甘草 到 藿香 到 葛根 到

右爲末每服一錢至二錢水一盞煎至五分溫
服如飲水者多煎與之無時也

丁香附子散 治脾胃虛弱胸膈痞結吐逆不止

附子 一兩 母丁香 四十九箇 生薑 半斤取自然汁半碗

右用附子鑽孔四十九以丁香刺上面填內將
生薑汁用文武火熬盡又用大蘿蔔一箇取一
穴子入附子又填內將蘿蔔蓋之又用文武桑
柴火燒香熟爲度取出切附子作片子焙乾搗
爲細末每服一錢米湯一盞調下日進三服

何首烏丸 治男子元藏虛損髮白再黑填精

何首烏斤半 肉蓯蓉六兩 牛膝四兩

右將何首烏半斤用棗一層何首烏甑內蒸棗軟用切焙同為末棗肉和丸如桐子大每服五七丸嚼馬練子服酒送食前一服加一丸日三服至四十九即止却減至數効如神妙

燻腎丸 治男子腰膝疼夜多小便者

川練子 馬練花 破故紙 胡盧巴

茴香炒各等分

右除茴香外四味酒浸同為末棗麩丸

桐子大每服十丸至二十丸温酒下空心食前

神仙楮實丸 治積冷氣衝心胸及背有蛇蟲疼痛

痔瘻瘰癧氣塊心腹脹滿兩肋氣急食不消化上逆氣奔於心并疝氣下墜飲食不得吐水嘔逆上上氣咳嗽眼花少力心虛健忘冷風偏風等疾坐則思睡起則頭眩男子冷氣腰疼膝痛冷痺風頑陰汗盜汗夜多小便洩利陽道衰弱婦人月水不通小便冷痛赤白帶下一切冷疾無問大小能明日益力輕身補髓益精

楮實子泥微炒 官桂四兩 牛膝半斤 酒浸三日

乾薑 三兩 炮

右為末酒麩糊為丸如桐子大每服二十九溫

酒空心食前鹽湯亦得

補中丸 治一切氣疾心腹疴痛嘔吐氣 逆不

食

厚朴 生薑 炮 乾薑 炮 陳皮 去白 白茯苓 去皮

甘草 炙 等分

右為末煉蜜為丸如櫻桃大每服一丸空心白

湯化下細嚼亦得

軍澄茄丸 治中焦痞塞氣逆上攻心腹疴痛吐逆

下痢美飲食

軍澄茄 半兩 良薑 二兩 神麩 炒 青皮 去白

官桂 去皮 各一兩 阿魏 半兩 醋 熬熟

右為末醋麩糊為丸如桐子大每服二十九生

薑湯下不計時候

黃帝素問宣明論方卷之十三

河間 劉守真 撰

新安 吳勉學 校

諸痛門

總論

夫痛者經脉流行不止環周不休寒氣入經而稽遲
血泣凝而不行客於脉外血少客脉中氣不通故卒
然而痛其痛者卒然而止或痛甚而不休或痛甚而
可按或按之而痛止或按之而無益或喘痛動應手

宣明論方

卷之十三

一

宣明論卷之十三
或與心背相引而痛或脇助與少腹相引而痛或腹
痛或引陰股宿昔而成積或卒然而痛死不知人而
少間復生或痛而閉不通者諸痛各不同形經曰寒
氣客於脉外則脉寒脉寒則蹇縮蹇縮則脉絀音督脉
絀急則外引小腹衛氣不得通流故卒然而痛得炅
則痛止寒氣客於經脉之中相薄則脉滿滿則血氣
亂故痛而不可按寒氣客於腸胃之間膜原之下血
不得散小腹急引故痛按之血氣散痛乃止也脇助
痛者寒氣客於厥陰之絡脉也背與心相引痛者寒
氣客於背俞之脉注於心相引痛寒氣客於陰股血

泣在小腹相引痛卒然而痛死者寒氣客於五臟厥
逆上壅陰氣竭陽氣未入故卒然痛死氣復反則生
矣視其五色黃赤為熱白青則為寒青黑為痛經曰
感虛乃陷下其留於筋骨之間寒多則筋攣骨痛熱
則骨弛肉消但痛痒瘡瘍癰痛腫血聚者皆屬心火
熱也不可一例傷寒凡治痛者先察本次明經絡皮
部虛實用藥無悞矣
神砂一粒丹 治一切厥心痛小腸膀胱痛不可止
者

附子一兩 鬱金 橘紅 等附子停用

冠月論方

右為末醋麪糊為丸如酸棗大以朱砂為衣每服一丸男子酒下婦人醋湯下服罷又服散子神聖代鍼散

乳香

沒藥

當歸

香白芷

川芎

各半兩

元青

一兩去足趨

右為細末更研每服一字病甚者半錢先點好茶一盞次摻藥末在茶上不得吹攪立地細細急呷之心驚欲死者小腸氣搖得如角弓膀胱腫硬一切氣刺虛痛并婦人血癖血迷血暈血刺血衝心胎衣不下難產但一切痛疾服之太

有神効只是要詳疾證用藥

茴香丸

治男子婦人臍腹疼痛刺胸膈不止者

茴香

炒

良薑

官桂

各半兩

蒼朮

一兩汁浸

右為末酒煮麪糊和丸如桐子大每服十丸生薑湯止痛溫酒下空心食後

赴痛丸

治一切走注疼痛婦人經脈住滯水腫腹

脹

其遂

大戟

芫花

黑牽牛

各等分

右為末以蕎麥同末和作餅子杆切為棋子煮熟服之得利為度每服一錢加減相虛實

六合散 治一切燥結汗後餘熱宣轉不通亦名金
鑰匙散并治小腸氣結心腹滿胸中結痞走疰疼
疝

大黃 一兩紙裹煨 白牽牛 半兩生

黑牽牛 微炒 其遂 各半兩 檳榔 三錢生 輕粉 一錢

右為細末每服一錢密水調下服量虛實加減
定痛丸 治打撲損傷筋骨疼痛等如打撲骨損者
先整骨定用竹夾然後先用好酒下麻黃二錢然
後服藥大効

乳香 一分 川椒 當歸 沒藥

赤芍藥 川芎 自然銅 蒴藿根 各半兩

右為末鎔蠟為丸如彈子大細爵酒下一丸骨
碎者先用竹夾夾定三五日依舊小可與服

香殼散 治小腸氣臍腹攪痛急陰股中疼悶不省
人事

舶上茴香 用鹽炒 枳殼 各一兩 沒藥 半兩

右為末每服一錢溫熱酒下不計時候併二三
服

金鍼丸 亦名陸神丸 治陽絕痞氣心腹不忍者

丁香 木香 乳香 阿魏 輕粉

骨碎補去毛 檳榔 官桂 桂心

芭豆去皮 杏仁去皮 不灰木 肉豆蔻

陽起石 硃砂各等分

右為細末水麩糊為丸如小豆大每服一九針
穿作孔子小油內滾過燈焰內燎遍於油中蘸
死嚼生薑下不計時候日三服虛實加減

一粒金丹 治腰膝走注疼痛如虎噬

草烏頭 五靈脂各一斤 木鱉子四兩

白膠香半斤 地龍四兩去土炒 細墨一兩

乳香一兩 當歸二兩焙 沒藥二兩 麝香錢

右為末再研一千下糯米麩糊和丸如桐子大
每服一九至二九溫酒下喫藥罷遍身微汗有
驗

沒藥散 治一切心肚疼痛不可忍者

沒藥乳香別研 乳香各三錢 川山甲五錢炙

木鱉子四錢

右為細末每服半錢一錢酒大半盞同煎溫服

不計時候

痔門

痔瘻總論

夫腸風痔病者所發手太陰手陽明經以應動脈謂
 肺與大腸為表裏主為傳道以行糟粕腸風痔病
 有五種其證亦異蓋因陽氣虛而玄腑疎風邪乘
 而熱自生風濕邪熱攻於腸中致使大便澁而燥
 熱鬱血熱散而流溢衝浸浚腸裏故以先血後便
 熱在下先便後血熱在上血後便久而不愈乃作
 痔

素問云因而飽食筋脉橫解房室勞傷腸癖為痔風
 熱不散穀氣流溢傳於下部故令肛門腫滿結如
 梅李核甚者而變成瘻也五臟切宜保養勿令受

邪

香殼丸 治濕熱內甚因而飽食腸癖成痔久而成
 瘻速服悉愈之

木香 各二錢 黃葉 各二錢 枳殼 去穰炒 厚朴 各半兩

黃連 一兩 蝟皮 一箇 當歸 四錢 荆芥穗 二錢

右為末麩糊為丸如桐子大每服二三十九溫
 水食前日三服

楸藤子丸 治腸風瀉血濕熱內甚因為諸痔久而
 不治乃變成瘻

黃石 枳實 槐花 荆芥穗

鳳眼草 已上各二兩

榼藤子 一對炙

皂子 三百箇炙

右為細末麩糊為丸如桐子大每服二三十丸空心酒下米飲亦得忌油膩冷猪魚臭血物等

烏荆丸 治腸風痔疾大腸悶澀

川烏頭 二兩炮

荆芥穗 四兩

右為末醋麩糊為丸每服二三十丸如桐子大温水下日三服

黃耆葛花丸 治腸中久積熱痔瘻下血疼痛

黃耆

葛花

黃赤小豆花 各一兩

大黃

赤芍藥

黃芩

當歸 各二兩

蟾皮 一箇

檀榔

白茯苓

皂角子仁 炒各半兩

生地黄 兩

右為末煉密和丸如桐子大每服二十九至三十九煎桑白皮湯下食前槐子煎湯下亦得

黃連散 治腸風下血疼痛不止

雞冠花

黃連

貫眾

川大黃

烏梅 各一兩

甘草 三分

右為末每服二錢用温米飲調下日三服不計

時候

乳香沒藥散

治五種腸風痔瘻無問久新

宣黃連

白礬

穀精草

石榴

各一兩 子裹面取子三停一停次將黃連白礬碎內入石榴內用元蓋子合用

子裹面取子三停一停次將黃連白礬碎內入石榴內用元蓋子合用

右以濕紙一張裹了後用膠泥拍作餅子裹石榴以炭火燒通赤為度取出去濕紙次將穀精草於銚子內炒焦黃為度與石榴研細後入麝香一錢乳香二錢沒藥一錢研細拌勻每服一錢熱酒小半盞調下日三服

木香厚朴湯 治痔瘻脫肛腸胃間冷腹脇虛脹不思飲食

木香

桂心

桃仁

陳皮

厚朴

各一兩

肉豆蔻

赤石脂

各半兩

皂角子

三兩去皮子醋炙黃

大附

三分炮

右為末每服二錢溫粥飲調下食前

瘡門

瘡疾總論

素問云瘡瘡皆生於風其蓄作有時何氣使然夫陰陽上下交爭虛實相移也陽併於陰陰實陽虛寒慄鼓頷此皆夏傷於暑熱氣藏於皮膚之內腸胃之外腠理開得秋氣汗出遇風得之與衛氣併衛氣盡行陽夜行陰氣得陽外出得陰內薄外內相

薄是以日作也。其有間日者氣深內薄於陰陽氣獨發陰邪內著陰與陽爭不得出是以間日作也其作晏與早者邪氣客於風府循脊而下衛氣一日一夜大會於風府其日下一節先客於脊背每至風府則腠理開腠理開邪氣入邪氣入則病作晏也

大寒者陰氣也風者陽氣也先傷寒而後傷風故曰先寒而後熱名曰寒瘧先傷於風後傷寒故曰先熱而後寒名曰溫瘧其熱而不寒者陰氣先絕陽氣獨勝少氣煩冤手足熱欲吐名曰瘧有餘也

瀉不足補熱為有餘寒為不足已得火不能溫已冰水不涼氣陰勝併於陽陽勝併於陰陰勝則寒陽勝則熱故瘧者陰陽風寒虛實邪氣不常之所作也

辟邪丹 治嵐瘴鬼瘧食瘧併月頻日者

菘豆 雄黑豆 信砒

黃丹 硃砂

右為末同入乳鉢內滴水為丸分作三十粒每服一粒已用東南桃心取七枝研汁將井花水早辰日欲出不出向日吞之醋湯亦得已發日

服

斬邪丹 治諸般瘧疾無時不止者

菜豆

小豆

三十粒口退皮再入

硃砂

信砒

各一錢

右為末同研細滴水和丸勻分作十九丸每服

丸已早晨服夜間於北斗下香水獻至早晨用

新倒流水送下

斷魔如聖丹

信砒

一錢

蜘蛛

大者三箇

雄黑豆

四十粒

右為末滴水和丸如豌豆大如來日發於今晚

夜北斗下獻於早晨已紙裹於耳內扎一丸立

見愈神聖一粒可醫三人

辰砂丸 治一切脾胃虛瘧邪熱毒者

信砒

甘草

各一錢

硃砂

二錢

大豆

四十粒

右為末滴水和丸勻分作四十九服發日早晨

日欲出煎桃心湯下忌熱物

瘧神丹 治諸般瘧疾

信砒

一兩

雄黃

一錢

右以於五月重五日用饅子尖拌勻研三千下

日未出不令雞犬婦人見丸如桐子大未發前

一日面東冷水下一丸

越鬼册 治一切瘡疾神効

信砒 一錢 大豆 七錢 雄黃

輕粉

荷葉 各半 甘草 一十

右為末滴水為丸如小豆大重午日未出不見
雞犬婦人脩合每服一丸無根水下平日夜視
北斗來日服忌熱物

黃帝素問宣明論方卷之十四

河間 劉守真 撰集

新安 吳勉學 一校

眼目門

眼科總論

素問云目得血而能視手得血而能握其證足厥陰
之經絡所主肝臟受虛而即補腎實而即瀉心。夫
人之眼目者似天地之日月也若人無雙目豈能別
辯賢愚天無日月萬物安能照耀是以眼通五臟氣

貫五輪外應肝候肝臟虛而風邪鬱風邪鬱而熱蘊
衝火炎上行故攻目昏滲澁疼痛赤絲皆發榮衛實
則能視榮衛虛則昏暗凡人多食熱物或嗜五辛坐
濕當風凌寒冒暑將息失度皆喪目之源也

黃連膏 治一切眼目癢肉攀睛風痒淚落不止

朴硝 一斗以水半斗淘淨去土陰乾用 黃連 半斤

白丁香 五升以水一斗淘淨去土攪細用

右取水入硝香金內熬至七分淘出令經宿水
面浮牙者取出挖乾以紙袋子盛風中懸至風
化將黃連細末熬清汁曬乾硝用猪羊膽和加

蜜妙點之效矣

滌昏膏 治一切風眼疼痛不可忍者洗之妙矣

好崖蜜斤黃連 一兩 沒藥 半兩 黃丹 一兩炒紫色

右入蜜同熬黑煎黃連成稠汁入二味藥內煎
熬稠更入沒藥末同熬數沸濾去滓洗甚妙後
更用通天散啗鼻

通天散 治偏正頭疼并夾腦風通一切壅滯明目

赤芍藥 川芎 黃連 黃芩

玄胡索 草烏頭 當歸 乳香 別研各等分

右為細末每服少許紙撚子蘸藥任之鼻啗神

効

神芎散 治風熱上攻頭目眩痛上壅鼻塞眼昏并
牙齒悶痛

川芎

鬱金

各二錢

荆芥穗

一分

薄荷葉

一分

盆硝

紅豆

一錢已上為細末後入盆硝

右研勻鼻內噴三兩刻耳力慢加藥病甚者兼
夜啗之凡熱多風少隨證選用諸藥

金絲膏 治一切目疾昏暗如紗羅所遮或疼或痛

宣黃連

半兩剉碎水一盞浸一宿取汁再半盞浸滓經半日許取汁與前汁

用水

蜜一兩

白礬一字

井鹽

一分如無以青鹽代之

山梔子

二錢好者用黃連滓同煮

十沸取盡力子濾去滓與前黃連汁一處入篩藥

右用銀甕器內同熬十餘沸用生絹上細紙敷
重再濾過用時常點

白藥子散 治一切痔眼赤爛目生翳膜內外瘡疾

并小兒吐痢

白藥子

甘草

半兩

右為末用猪肝一葉批開糝藥五錢水一大盞
煮熟食後服

胡黃連散 治一切久新赤目疼痛不能坐臥并大

小人口瘡

胡黃連

檳榔

麝香

少許別研

右為細末研細點之如口瘡每服半錢麝香一字勻口瘡大小貼之忌食魚豬油膩物

碧霞丹 點一切惡眼風赤者

龍腦

麝香

硃砂

血竭

沒藥

乳香

銅青

各一錢 鵬砂三錢

右為末滴水和丸如桐子大每服一九新水化開點之立効

菩薩散 治遠年近日一切眼疾

菩薩石

金精石

銀精石

太陰石

太陽石

雨餘石

河洛石

礬礦石

雲母石

盧甘石

井泉石

白滑石

紫英石

寒水石

陽起石

猪牙石

代赭石

碧霞石

烏魚骨

青鹽

硃砂

蜜陀僧

銅青

黃丹

麝香

腦子

輕粉

鵬砂

乳香

雄膽

白砂蜜

右為細末以井花水九大碗熬就作四碗點水內落下錢許大不散可如散者再熬濾滓過露

旋點

石膏羌活散 治久患雙目不覩光明遠年近日內
外氣障風昏暗拳毛倒睫一切眼疾

羌活 治腦熱頭風 蜜蒙花 治羞明 怕日

木賊 退翳障 香白芷 清利頭目 細辛

乾菜子 二味起 蘇子 起拳 川芎 治頭風

蒼朮 明目暖 甘菊花 荆芥穗 治目中

黃芩 洗心 石膏 二味 藁本 治偏正

甘草 解諸藥毒 各等分

右為末每服一錢至二錢食後臨卧用蜜水一

盞調下或茶清或淘米第二遍泔亦得日進三
服至十日漸明服至二十日大驗此方醫數十
餘人矣

重明散 治一切風熱內外障氣眼疾

川獨活 川羌活 川芎 吳射干

仙苓脾 防風 甘草 井泉石

蒼朮 各半 丹參 白朮 石决明

草决明 各三分

右為末每服二錢水一盞半煎至一盞温服日
進三服食後

雷嚴丸 治男子婦人肝經不足風邪內乘上攻眼
 暗淚出差明怕日多見黑花生障翳膜遮睛臉生
 風粟或痒或痛隱澁難開兼久患偏正頭疼牽引
 兩目漸覺細小視物不明皆因腎水不能溉濟於
 肝水此藥久服大補腎藏添目力

肉蓯蓉 一兩 牛膝 一兩 芭豆 一兩 浸宿
去皮心

菊花 二兩 黑附子 二錢 以河水三升
青鹽二錢以河水三升 同煮為度去皮臍 兩

枸杞子 二兩 川椒 三兩
兩 去目

右為末元浸藥酒煮麩糊為丸如桐子大每服
 十丸空心酒下世人服藥不知多少根源往往

不効耳

丁香復光丸 治一切遠近目疾

丁香 二錢 芭豆 一錢 去皮油 半夏 二兩

烏梅 半兩 南鵬砂 三錢 腦子 二百 盆硝 半兩
去核

縮砂仁 二錢 甘草 半兩 荊芥穗 二錢
半

右為末醋煮麩糊為丸如菉豆大每服十丸至
 十五丸米泔下食後日三服

已上諸方係先生親驗可錄

小兒門

小兒科論

素問云身熱惡寒戰慄驚惑皆屬熱證爲少陰君火
暴強直支綆戾裏急筋縮也皆屬風證爲厥陰風
木大小兒六歲之上爲小兒十八歲已上爲少年
其六歲已下者諸經不載是以乳下嬰兒有病難
治無可定也然小兒與大人不可一例各異治之
雖小兒誕生襁褓之後骨肉脆軟腸胃細微可以
乳食調和臟腑迺得平安肌膚滋潤筋骨輕嫩以
綿衣之故生壅滯內有積熱熱乘於心心受邪熱
乃發爲驚驚不止返爲潮搐則爲病也大槩小兒
病者純陽熱多爲少故引○素問少陰厥陰證以

小兒病驚風熱多矣小兒驚風者皆由心火暴甚
而制金不能平木故風火相搏而昏冒驚悸潮熱
此證皆謂熱甚而風生○素問驚駭驚愕少陰君
火也

小兒脾疳痢瀉者皆熱甚急驚瀉痢色多青爲熱證
明矣痢色黃者何爲火甚則水衰而脾土旺故痢
色黃也痢色紅赤者爲心火熱甚深也痢色黑者
爲火熱過極則反兼水化制之故色黑也
五臟皆言熱證無寒冷證亦有謂瀉痢小便青白不
澁爲寒水穀不化而色不變吐痢腥穢澄澈清冷

白不澁身涼不渴脉遲細而微者寒證也

殺雖不化而色變非白煩渴小便赤黃而澁者為之

熱證世傳大人小兒吐痢霍亂食乳未及消化而

痢尚白便言論為寒證誤矣何不脉候別之仲景邪熱未

化殺豈為寒也大人亦同

小兒方類

龍腦地黃膏 治小兒急慢驚風涎痰上潮心胸天

吊驚纏喉風小兒胸膈不利一切熱毒大有神效

如病不已與分肢散一二服吐利得快常服此藥

川大黃別搗甘草

橫文者別搗

麝香

別研錢

雄黃

水窟者一分別研

生腦子

一錢別研

右五味各修製了再入乳鉢內同研細煉蜜為

膏油單舉如有前病煎薄荷湯下旋丸如皂子

大化下如小兒大人睡驚及心神恍惚煎金銀

湯下一丸常服新汲水下大解暑毒如孕婦人

常服新生男女永無疾病如有大人陽毒傷寒

加輕粉

二子

龍腦

少許

水化下一丸杏核大小

兒看年紀大小加減服立効

分肢散 治小兒卒風大人眼喎斜風涎暴心驚

癩天弔走馬喉閉急驚一切風熱等疾

芭豆 半兩不出油 川大黃 兩 朴硝 半兩

右大黃為末後入芭豆霜朴硝一處細研用油貼起如有前患每服半錢熟茶下吐下頑涎立愈如小兒胃喉驚吊等先服龍腦地黃膏一服次服此藥一字茶下時上吐下瀉以吐利得快為効大人半錢小兒一字看虛實加減只是一兩服見効不宜頻服如吐瀉不定以葱白湯立止

珍珠丸 治小兒虛中積熱驚癇等疾

芭豆霜 一錢 膩粉 一錢 滑石 一錢 天南星 一錢半

蝟稍 二十四箇 續隨子 二十四箇 粉霜 一錢半

右為末研令極細以糯米粥為丸如黃米大小兒二歲已下每服三九至一九十五歲每服五九至十九點茶湯下荆芥湯亦得虛實加減生黃散 治小兒上焦壅熱諸眼疾

肉桂 各一兩 鬱金 各一兩 馬牙硝 四兩 甘草 半兩

右為末如患眼三五年喫三五兩便瘥每服一錢新汲水調下垂枕卧片時若是小兒十歲服半錢五歲已下服一字末無驚疳癩風患服之立効

硃砂丸 治小兒急慢驚風及風熱生涎咽喉不利

取驚積

硃砂

天南星

芭豆霜

各一錢

右為末麩糊和丸如黍粒大看病虛實大小每服二丸或天弔戴上眼每服四五丸薄荷水下

立愈

鬱金散 治小兒急慢驚風等疾

鬱金

一枚

芭豆

七箇去皮不出油

右研為細末每服一字煎竹葉湯放溫下把藥抄盞唇上放以湯亮下喉咽為妙

澤瀉散 治小兒齁胎膈上壅熱涎潮

澤瀉

一分

蟬殼

全者二箇

黃明膠

手掌大

右為細末每服一大錢溫米湯調下日進二服未愈再服

鎮庭散 治小兒一切驚喘肚脹咳嗽

鬱金

大黃

各半兩

甘草

三錢

輕粉

一錢

右為末每服半錢用薄荷汁硃砂細研冷水以木匙瀝下

定命散 治小兒天弔驚風不能哭泣

梨蘆

川芎

蔚金

各等分

右研為細末鼻中啗之如哭可醫

金肺散 治小兒諸般喘嗽急驚風神效

錫灰 一錢 漢防已 二錢 鬱金 一錢半

砒黃 二錢 半夏 一錢半 湯洗七次

右為細末每服半錢加一錢小兒加減煎猪肉

湯下日進二服食後

厚朴散 治小兒虛滑瀉痢不止

厚朴 呵子皮 兩半 史君子 筒一 揀丁香 箇十 茯苓

吳白木 青皮 各二錢 甘草 一錢 炒

右為末每服一字一歲加減用清米湯下

黃帝素問宣明論方卷之十

河間 劉守真 撰

新安 吳勉學 校

雜病門

雜論

素問云痛痒瘡瘍癰疽疹瘤氣結核怫鬱甚者皆熱五藏不和九竅不通六府不和留結為癰近於火氣微熱則痒熱甚則痛附近則灼而為瘡皆火之用也

人之瘡腫因內熱外虛所生也為風濕之所乘則生瘡腫然肺主氣候於皮毛脾主肌肉氣虛則膚腠開為風濕所乘脾氣溫而內熱即生瘡也腫者皆由寒熱毒氣客於經絡使血澁而不通壅結成腫風邪內作即無頭無根氣血相搏作者即有頭有根結壅盛則為膿赤核腫則風氣流潰也瘡以痛痒痛則為實痒則為虛非謂虛為寒也正謂熱之微甚也痒者美疾也故火旺於夏而萬物蕃鮮榮美也灸之以火潰之以湯而其痒轉甚者微熱之所使也痒去者謂熱令皮膚縱緩腠理開通陽氣

得泄熱散而去或夏熱皮膚痒而以冷水沃之其痒不去謂寒收斂腠理閉密陽氣鬱結不能散越怫熱內作故也瘡痒皆為火熱而反腐出膿水者猶穀肉果菜熟在則腐爛而潰為污水也潰而腐爛者水之化也癰淺而大疽深而惡熱勝血則為癰膿也瘍有頭小瘡也疹浮而小癩疹也瘤氣赤瘤丹燦熱眩氣火之色也

如意散 治疥癬無時痛痒愈發有時不問久新者

吳茱萸 牛蒡子 荆芥 牡蠣

輕粉 半錢 信砒 二錢

右為細末研勻每臨卧抄一錢油調徧身搓摩
上一半如後有痒不止更少許塗之股髀之間
聞香悉愈

信効散 治風熱上客陽明之經牙齒痒蝕斷宣腐
臭血出色黃氣腐注悶動搖疼痛作發有時兼解
中金石一切毒藥

信砒 一錢 黃丹 二錢 千古石灰 如無但以陳久者炒細研四錢

右研細末入青鹽一分麝香少許如無此二味
亦得每上抄三兩大豆許先洗漱淨以手指蘸
藥擦上下牙齒斷瀝涎勿嚥之須臾漱淨或有

蝕處再上少許日三四次常用如意一上以類
為妙或服金石藥致病便一日三四上更不上
牙齒如神或已上牙齒者傳之即愈或平人常
用頗能清利頭目寬膈美食使髭鬚遲白久用
亦能固牙齒便遲老人氣於面而手足陽明經
絡貫注憂思則氣結而血液不行燥怫鬱而血
衰不能榮養藏府故早蒼黃而斑白也此藥能
使陽明氣血宣通故効能然也○又方使龍骨
不用石灰

神聖餅子 治一切打撲傷損金石刀刃血出不止

者立効此藥上無膿退痂便愈

烏魚骨

一兩五月五日
前先用備下

蒿苣菜

一握

葦菜

一握

青薊草

一握約一虎口人
手取團圓是也

石灰

四兩

右以五月五日未出本人不語將取三味同
杵爛次後下餘藥味杵得所搏作餅子曬乾用
時旋刮敷之

芙蓉膏

治徧滿頭面大小諸瘡子或身體者

料炭灰

桑柴灰

蕎麥蘖灰

各半升

右灰用熱湯淋取

升熬至五分又用

獨角仙

一箇不
用角

紅娘子

半錢不
去翅足

糯米

四十粒

石灰

一兩風
化者

右為末將前項灰汁調如麪糊相似在菴合子
內於土底埋五七日取出使用取癰痕瘡內刺
破用細竹簽子點之放藥用濕紙措藥再點至
三上見癰痕時冷水淋洗忌薑醋魚馬肉

鉛白霜散

治大小人口瘡牙齒腐蝕氣臭血出者

鉛白霜

二錢

銅錄

二錢

白礬

一塊
大許

右為末以翎羽掃上瘡以溫漿水漱之

銅香散

治大小人口齒腐蝕出血斷根宣爛者

上好鹹土

不以多少

麝香

真好者少許

右熱湯淋取汁去滓用清汁銀石器中熬乾刮下再與麝香同研勻摻於瘡上以紙貼神效

乳香散

治一切癩癧瘡新久遠近不已者

乳香

錢

砒霜

一錢

硃砂

半錢

紅娘子

去翅足十四箇

黃丹

半錢

右為末糯米粥和作餅子如折三錢厚小銅錢裏捲大破瘡上白麪糊如不破者灸柴炷大者不過一月其癩癧核自下

後歛瘡生肌藥

黃蘗

不以多少

為細末麪糊塗患處甚妙

五香丸

治一切惡瘡癩癧結核無首尾及諸瘡腫

沉香

木香

雞舌香

各一兩

薰陸香

麝香

各三錢

連翹

一兩

右研為細末每服二錢水一盞煎至六分不拘時

紫參丸

治熱毒癩癧腫痛已內消瘡已破出膿水

服此藥

紫參

苦參

各一錢

連翹

二兩

丹參

一兩

膩粉

三錢

麝香

三錢

滑石

二兩

右為末別用玄參一斤搗碎以酒三椀浸三日
揉取汁去滓用皂角子三枚煨熟搗為末用
玄參酒熬皂子末成膏和前藥如桐子大每服
一九以黃耆湯下一日加一九至患人歲數即
止如四十則二十每日却減一九瘡自乾有結
內消

麝香雄黃散 治十七般惡蟲咬傷人及瘡腫者

麝香 雄黃 乳香 礪砂各二錢

土蜂窩 露蜂窩燒灰

右研為細末以醋調少許塗咬着處或不辯認

得多疑是惡瘡三二日不療即毒入心難療

雞魚油膩物

礪砂散 治一切疔瘡

礪砂 雄黃 天南星 砒霜各等分

麝香少許

右研為細末用竹針針開用藥到黃水出瘡已

聖力散 治諸疔瘡腫

草烏頭 白及 白斂 木鱉子去皮 地龍

金毛狗脊各二錢半 麝香三錢 黃丹少許

右研為細末用針針到生肉痛者用藥黃水出

為度

川山甲散 治一切通氣破瘡腫行膿血如神妙

川山甲 木鱉子 烏龍角 各等分都燒存性

右為末每服一錢半空心熱酒調下至中午瘡

破膿血便行

守瘻丸 治瘻瘤結硬

通草 二兩 杏仁 一大合去皮尖研 牛蒡子 一合出油

吳射干 昆布 去鹹 阿梨勒 海藻 各四兩去鹹

右為末煉蜜為丸如彈子大含化咽津下日進

三服

見代冊 治打着不痛

無名異 研 沒藥 研 乳香 研 自然銅 醋炒

地龍 去土 木鱉子 去殼各等分

右為末煉蜜為丸如彈子大溫酒下一丸打不

痛

龍腦潤肌散 治杖瘡熱毒疼痛

黃丹 一兩 蜜陀僧 半兩 輕粉 一錢 麝香 半兩

龍腦 一字

右為細末摻藥在瘡上用青白子塗之內留一

眼子

香藥丸 治癩癰瘡

硃砂 乳香 沒藥 半夏 輕粉

赤石脂 各等分

右為末糯米粉為丸如桐子大每服十九加至

二十九皂角子臨卧

紅玉挺子 治一切牙疳

砒霜 一塊皂角子大 黃丹 煨過 魯土

右為細末餅和作劑子任牙

桃花散 治一切瘡生肌藥

白及 白斂 黃柏 黃連

乳香 別研 麝香 別研 黃丹 各等分

右為細末摻於瘡上三二日生肌肉滿

追毒散 治生瘡發悶吐逆霍亂

螺兒青 棟耳草 各一兩 白礬 二錢半

右為細末每服一錢新汲水調下立止

膽礬丸 治男子年少而鬢髮斑白

土馬踪 燒存性 石馬踪 燒存性

半夏 各一兩 生薑 二兩 胡桃 十箇 真膽礬 兩半

川五倍子 一兩

右為末和作一塊絹袋子盛如彈子大熱酒水

各少許浸下藥汁淋洗頭髮一月神効

伏神散 治膽熱多睡神思不安昏悶

伏神 去皮 麥門冬 地骨皮 茯苓 各一兩

白蘚皮 酸棗仁 沙參 甘草 炙半兩

右為末每服三錢水一盞煎至六分去滓食後

服

鐵脚丸 治大小便不通

皂角 炙去皮不以多少去却子

右為末酒麩糊為丸如桐子大每服二十九丸

服

全聖散 治小腸膀胱氣痛不忍者

地膽 半兩去足翹微炒 滑石 一兩 硃砂 半錢

右為末每服二錢用苦杖酒調下食前服

琥珀散 治五淋

滑石 二兩 木通 當歸 木香 尉金

扁竹 各一兩 琥珀 二兩 右為末每服三五錢用蘆葦葉同煎食後日三

服

葵子散 治小便不通

葵子 茯苓 去黑皮各等分

右為末每服四錢水一盞煎三沸食前
倒換散 治無問久新癰闕不通小腹急痛肛門腫
疼

大黃小便不通減半

荊芥穗大便不通減半各等分

右件藥味各別為末每服一二錢溫水調下臨

時加減服

敗毒散 治男子往來寒熱婦人產後骨蒸血運

大黃 黃藥子 紫何車 赤芍藥

甘草各五分

右為末每服一錢如發熱冷水下如發寒煎生

薑苳蓐湯同調下此藥偏治婦人

補真丹 治男子元藏虛冷與陽固腎不虛

黑附子兩 陽起石火燒酒淬三錢

海馬一 乳香為衣 雄黃各三錢 血竭各三錢

石蓮子去殼皮心 黑錫炒去砂子半兩

石鷲子燒以醋淬 麝香分

右為細末麩糊為丸每服二十九用五香湯空

心下

五香湯

沉香 箋香 乳香 麝香

檀香各等分

右為細末每服半錢煎湯下

新添

一醉烏法治頭鬚白再黑方

訶梨勒十箇牙去核

醋石榴三箇大者取汁

碌礬五分

生地黄汁一升

礶砂研

硫黃研各一錢

右藥同入瓷瓶內用二味汁浸密封勿令透氣至四十九日後取出其訶子狀若黑梅至夜臨卧含一枚嚥津到曉爛嚼以酒一盞下之三三日後再服忌葱大蒜蘿蔔

黃帝素問宣明論方卷之十五終

